

ҚОҒАМДЫҚ ТЫҢДАУЛАР

07.10.2021 жылғы сағат 15.00-де Мақаншы ауылы, Кабанбай көшесі, 6, мекенжайы бойынша «ШҚО Ұржар ауданы Мақаншы ауылындағы 140 орындық балабақша құрылысына «Түзету» жобасы бойынша ашық жиналыс түріндегі қоғамдық тыңдаулар өткізіледі.

Қатысушыларды тіркеу жеке басын куәландыратын құжатты көрсеткен кезде енгізіледі.

Карантин ұзартылған жағдайда белгіленген қоғамдық тыңдаулар онлайн режимінде Zoom платформасы арқылы бейнеконференция түрінде өтеді.

Конференцияға қатысу үшін төмендегі сілтеме арқылы өту қажет: <https://us04web.zoom.us/j/5514238369?pwd=NmRDVGllZlZlc0l0SXIzRVVkdTVBndz09>.

Конференция сәйкестендіргіші: 551 423 8369.

Құпиясөз: 1erd6N.

Конференцияға қосылу сұрақтары бойынша 87054008485 телефонына хабарласуға болады.

Тапсырыс беруші: «ШҚО Ұржар ауданының сәулет, қала құрылысы және құрылыс бөлімі» ММ, БСН 190140019833, ШҚО, Ұржар ауылы, Абылайхан даңғылы, 122. Телефон: 8(72230)-3-35-19.

Жобаны әзірлеуші: «Семстройпроект» ЖШС, 8(72225)-560513, ҚОӘБ-с.-ЖК Битебаева К.О., 87054008485.

Жергілікті атқарушы орган: «Шығыс Қазақстан облысы табиғи ресурстар және табиғат пайдалануды реттеу басқармасы» ММ, тел: 8(7232)25-72-06.

Жоба бойынша құжаттамалар БЭК-те <https://ecportal.kz> және ЖАО-ның erigoda.gov.kz сайтында, «Қоғамдық тыңдаулар» бөлімінде жарияланған.

Барлық ескертулер мен ұсыныстар мына электронды мекенжай бойынша қабылданады: seteuproekt@mail.ru (тел.87751705959); a.abdgaeva@akimvko.gov.kz 8(7232)25-72-06.

ОБЩЕСТВЕННЫЕ СЛУШАНИЯ

07.10.2021 г. по адресу ВКО, с. Мақанчи, ул. Кабанбая, 6, время 15.00 ч. проводятся общественные слушания в форме открытого собрания по проекту «Строительство детского сада на 140 мест в с.Мақанчи Ұрджарского района ВКО. Корректировка». Регистрация участников вводится при предъявлении документа, удостоверяющего личность.

В случае продления карантина данные общественные слушания будут проведены в режиме онлайн, посредством видеоконференц связи на платформе Zoom.

Для участия в слушаниях необходимо пройти по ссылке <https://us04web.zoom.us/j/5514238369?pwd=NmRDVGllZlZlc0l0SXIzRVVkdTVBndz09>.

Идентификатор конференции: 551 423 8369

Код доступа: 1erd6N.

По вопросам подключения к конференции обращаться по телефону 87054008485. Заказчик: – ГУ «Отдел архитектуры, градостроительства и строительства Ұрджарского района ВКО», БИН 190140019833, ВКО, с.Урджар, Проспект Абылайхана, 122.

Телефон: 8(72230) 3-35-19.

Разработчик проекта: ТОО «Семстройпроект», 8(7222)-560513, ОВОС- ИП Битебаева К.О., 87054008485.

Местный исполнительный орган – ГУ «Управление природных ресурсов и регулирования природопользования ВКО», тел. 8(7232)25-72-06.

Документация по проекту размещена на ЕЭП <https://ecportal.kz/> и на сайте МИО erigoda.gov.kz, в разделе «Общественные слушания».

Замечания и предложения принимаются по электронным адресам: seteuproekt@mail.ru, (тел.87751705959); a.abdgaeva@akimvko.gov.kz 8(7232)25-72-06.

«ШҚО Ұржар ауданының сәулет, қала құрылысы және құрылыс бөлімі» ММ

Уақыт Пульс

ТЫНЫСЫ ВРЕМЕНИ

ҚАЗАҚСТАН
ТӘУЕЛСІЗДІГІНЕ

ЖЫЛ

30

ҰРЖАР АУДАНЫНЫҢ ҚОҒАМДЫҚ - САЯСИ ГАЗЕТІ

ГАЗЕТ 1934 ЖЫЛДАН БАСТАП ШЫҒАДЫ

№ 46-47 (7432) ЖҰМА 03.09.2021 ЖЫЛ

Мемлекет басшысы Қасым-Жомарт Тоқаевтың Қазақстан халқына Жолдауы

ХАЛЫҚ БІРЛІГІ ЖӘНЕ ЖҮЙЕЛІ РЕФОРМАЛАР – ЕЛ ОРКЕНДЕУІНІҢ БЕРІК НЕГІЗІ

Қымбатты отандастар!
Құрметті Парламент
депутаттары мен Үкімет
мүшелері!

Биыл егемен ел болғанымызға 30 жыл толып отыр. Тәуелсіздік – біздің ең қастерлі құндылығымыз.

Қазақстан Тұңғыш Президентіміз – Елбасының дара саясатының арқасында табысты ел ретінде бүкіл әлемге таныл болды.

Ең басты жетістігіміз – біртұтас ел болып, жаңа мемлекет құрдық. Іргемізді бекітіп, еңсемізді тіктедік. Халықаралық қауымдастықтың белді мүшесіне айналдық. Тұрақты қоғам қалыптастырып, орнықты даму жолына түстік.

Мемлекеттілігімізді нығайту үшін бір ел болып еңбек етіп жатырмыз.

Егемендік дегеніміз – жалаң ұран мен жалынды сөз емес.

Біз үшін ең маңыздысы – әр азаматтың Тәуелсіздік игілігін сезіне алуы. Оның басты көрінісі – елдегі бейбіт өмір, қоғамдағы тұрақтылық пен тыныштық. Сондай-ақ халықтың тұрмыс сапасының жақсаруы және жастардың болашаққа нық сеніммен қарауы. Барлық бастамамыз осыған бағытталуда.

Біз тұғыры мығым ел болу жолында кедергілерді еңсеріп, қиындықтарды жеңіп келеміз. Мұның бәріне берекелі бірлік пен еселі еңбек арқылы жеттік.

Еліміз Тәуелсіздік жылнамасының төртінші онжылдығына қадам басқалы тұр. Бұл кезеңнің оңай болмайтыны қазірдің өзінде айқын байқалуда. Сондықтан, кез келген сын-қатерге дайын болуға тиіспіз. Тынымсыз ізденіп, ұдайы алға ұмтылуымыз қажет.

Менің Қазақстан халқына биылғы Жолдауым мынадай мәселелерге арналады.

1. ПАНДЕМИЯДАН KEЙІНГІ KEZEHDEГІ ЭКОНОМИКАЛЫҚ ДАМУ

Орталық Азиядағы экономикасы ең ауқымды ел саналатын Қазақстан қазір пандемияның зардабын тартуда. Дегенмен қиындықтарға қарамастан, бағдарымызды берік ұстанып келеміз.

Біз орта мерзімді экономикалық саясатымызды айрындап, мемлекеттік бастамаларды реттеу үшін 2025 жылға дейінгі дамудың Ұлттық жоспарын және Мемлекеттік жоспарлаудың жаңа жүйесін қабылдадық. Ұлттық жобалар бекітілетін болады.

Стратегиялық мақсатымыз – Орталық Азиядағы көшбасшылық рөлімізді күшейту және әлемдік экономикадағы орнымызды нығайту.

Экономикамызға тікелей инвестиция тарту ісін жалғастырудың жаңа тәсілі ретінде Стратегиялық инвестициялық келісім ұғымы енгізілді. Квазимемлекеттік секторды оңтайландыру үшін нақты шараларды қолға алдық. «Бәйтерек» және «ҚазАгро» холдингтерін біріктірдік. Еңгілес компаниялар екі есе азайды, олардың штат санын бір жарым есе қысқарттық. Жаңа, қуатты даму институтын құрдық.

Пандемия кезінде мемлекет азаматтарға және кәсіпкерлерге ауқымды әрі жедел қолдау көрсетті. «Қарапайым заттар экономикасы» бағдарламасы өзінің тиімділігін дәлелдеді. Оны жүзеге асыру барысында 3,5 мыңнан астам жоба іске қосылды. Сондай-ақ 70 мың жұмыс орны ашылды. Өндірілген өнім мен көрсетілген қызметтің жалпы құны 3,5 триллион теңге болды.

«Бизнестің жол картасы» бағдарламасының арқасында 66 мың жоба мемлекет тарапынан қолдау тапты. Бұл 150 мыңнан астам жұмыс орнын ашуға және сақтап қалуға септігін тигізді.

Зейнетақы жинақтарын мерзімінен бұрын пайдалану туралы бастама экономикаға айтарлықтай әсер етті. Ең бастысы, оның әлеуметтік ықпалы айрықша болды. Осы шараның арқасында мил-



лионнан астам азаматымыз тұрғын-үй жағдайын жақсартты. Кейбірі ипотекалық қарызын азайтты. Жалпы, экономикалық дамуымызда оң үрдіс бар екені сөзсіз. Алайда бүгінгі ахуалдың әлі де күрделі екенін ашық айтуымыз керек. Сондықтан мен «Қарапайым заттар экономикасы» және «Бизнестің жол картасы» бағдарламаларының мерзімін 2022 жылға ұластыру туралы шешім қабылдадым. Бұл мақсатқа бөлінетін қаржының жалпы көлемі кемінде бір триллион теңге болады.

Қазақстан мемлекеттік қарызы аздығының және едәуір қоры болғанының арқасында індет салдарын біршама тиімді еңсеруде. Бұл – біздің елеулі бәсекелік артықшылығымыз. Одан айырылып қалмауымыз керек.

Алайда соңғы кезде бюджеттің шығыс бөлігінде міндеттемелерді орындау үшін бюджет тапшылығы ұлғайып, Ұлттық қордан алынатын трансферттер көбеюде. Үнемі осылай «ауырдың үстімен, жеңілдің астымен» жүре алмаймыз. Біздегі қаржылық орнықтылықтың қоры соншалықты шексіз емес.

Бюджеттің кірісін арттыру үшін шаралар қабылдау қажет екені сөзсіз. Бірінші кезекте, мемлекеттік шығыстардың ауқымын және оның тиімді жұмсалуды бақылауда ұстау керек.

Ұлттық қордың активтерін қалпына келтіру үшін бюджет ережесін енгізуді тездеткен жөн. Бұған қажетті заңнамалық өзгерістер осы жылдың соңына дейін қабылдануға тиіс. Жалпы, елімізге мемлекет қаржысын, атап айтқанда, мемлекеттік қарызды, бюджет саясатын және Ұлттық қорды басқарудың ережелер жинағы қажет.

Үкімет пен Ұлттық банктен жыл соңына дейін Мемлекет қаржысын басқару тұжырымдамасын әзірлеуді сұраймын. Сонымен бірге экономиканы әртараптандыру, өндірілетін тауарлардың түрін көбейтіп, экспорт географиясын кеңейту жөніндегі жұмысты жалғастыру керек.

2020 жылдың қорытындысы бойынша, индустрияландыру жүзеге асырылып жатқан 10 жыл ішінде тұңғыш рет өңдеу өнеркәсібінің экономиканы дамытуға қосқан үлесі тау-кен өндірісі сапасынан асып түсті.

Орта мерзімдегі мақсатымыз – 2025 жылға қарай өңдеу өнеркәсібінің экспортын 1,5 есеге көбейтіп, 24 миллиард долларға жеткізу. Ал еңбек өнімділігін 30 пайызға арттыру.

Өзірленіп жатқан «Өнеркәсіп саясаты туралы» заң өңдеу өнеркәсібінің алдында тұрған сауалдарға жауап беруге тиіс. Соның бірі – шикізатқа қол жеткізудің қиындығы. Отандық өнеркәсіп үшін шикізат тауарларының бағасы қол жетімді, ал көлемі жеткілікті болуы керек деген қарапайым ережені енгізуіміз қажет.

Үкімет жыл соңына дейін осы маңызды міндетті шешудің оңтайлы жолын табуға тиіс. Бұл ретте, еліміздің ресурстық әлеуеті толық ашылмағанын, геологиялық тұрғыдан зерделену деңгейі төмен екенін қаперден шығармаған жөн.

(Жалғасы 2-бетте)

МЕРЕКЕ

Тәуелсіздіктің тірегі - Ата Заң!

Өткен аптада аудандық Мәдениет үйінде барлық санитарлық талаптарды сақтай отыра Қазақстан Республикасының Конституциясы күніне арналған салтанатты шара өтті.

Жиын барысында аудан әкімі Нұржан Тоқсеитов көпшілікті мерейлі күнмен құттықтады.

«Еліміздің басты құқықтық құжаты жаңа Ата Заң 1995 жылдың 30-шы тамызында бүкілхалықтық референдумның нәтижесінде қабылданған болатын. Қоғамның өркендеуіне үлес қосып, Қазақстан халқының бірлігіне жол бастаған тарихи құжатта республикамыздың заңнамалық қағидаттары белгіленіп, өзінің өзектілігін, маңыздылығын дәлелдей білді. Қазақстан халықаралық қоғамдастықта лайықты орын алып, биік белеске көтерілгені осының айғағы болып саналады. Әрбір қазақстандық келешекке жол тартқан мемлекетіміздің тұрақты дамуының кепілі - Конституцияның мемлекет пен қоғам үшін ғана емес, өзінің жеке басы мен отбасы үшін де маңыздылығын терең сезінеді.

ҚАЗАҚСТАН
ТӘУЕЛСІЗДІГІНЕ

ЖЫЛ

30



Айнагүл Серікқызы

Жылдан-жылға біздің басты құндылықтарымыз – Тәуелсіздігіміз, Келісім мен Бірлігіміз нығайып келеді. Қазақстан Республикасының Конституциясы - еліміздің дамуы мен гүлденуінің мықты негізі. Еліміздің Тұңғыш Президенті - Елбасы Нұрсұлтан Назарбаев атап өткендей: «Конституция біздің Тәуелсіздігімізді нығайтып, мемлекет пен жалпы қоғамда мызғымас тұрақтылықты қалыптастырды».

(Соңы 5-бетте)

ҚҰЛАҚТАНДЫРУ

Ұржар аудандық мәслихаты депутаттарының және аудан тұрғындарының назарына!

VII-шақырылған Ұржар аудандық мәслихаттың кезекті 8-сессиясы 2021 жылдың 13 қыркүйегінде сағ. 10.00-де аудандық әкімдіктің ғимаратында өтеді (Абылайхан даңғылы, №122, 2-қабат).

Сессияға ұсынылатын күн тәртібі:

1. Ауданда қысқы мерзімге жол қатынасының тұрақтылығын қамтамасыз ету және білім беру, мәдениет, денсаулық сақтау мекемелерінде жылу маусымына дайындықтың барысы туралы.

Д.Хамитов - аудан әкімінің орынбасары.

2. Ұржар ауданы бойынша 2020-2021 жылдарға арналған жайылымдарды басқару мен оларды пайдалану жөніндегі жоспарды бекіту туралы.

Баяндамашы: Т.Шоманов - аудандық жер қатынастары бөлімінің басшысы.

3. Ауданда жастардың әлеуметтік-экономикалық проблемаларын шешу және оларды ауданның қоғамдық өміріне тарту мәселелері бойынша жастар саясатының жұмыс барысы туралы.

Ф.Сүлейменов - аудандық «Жастар» орталығының директоры.

4. Бюджет, әлеуметтік-экономикалық даму, салық, ауыл шаруашылығы және экология мәселелері жөніндегі аудандық мәслихаттың тұрақты комиссияның жұмысы туралы.

5. Әртүрлі мәселелер.

Депутаттар мен шақырылғандарды тіркеу сағат 8.30-да басталады. Аудандық мәслихаттың тұрақты комиссияларының бірлескен отырысы сағат 9.00-де өткізіледі.

Ұржар аудандық
мәслихатының хатшысы

ҚАЛЕНБЕК ҚАРАШЕВ